



Isalathiso: 20200512-6165  
Inombolo yefayili: 13/8/1  
Imibuzo: M Combrink

INGcaciso eMfutshane yeCandelo loLawulo loVavanyo: 0005/2020

Iya: KumaSekela Balawuli-Jikelele, kuBalawuli abaziiNtloko, kuBalawuli (kwaNdlunkulu nakwii-ofisi zezithili), kumaSekela Balawuli, kwiiNgcali zeMfundo eziziiNtloko, kwiiNtloko zoKunika iNkxaso kwiKharityhulam, kuBaphathi beeSekethe, kwiiNtloko zoLawulo noKuphathwa kwamaZiko, kumaSekela eeNgcali zeMfundo eziziiNtloko, kuBaququzeleli boVavanyo neeMviwo, kuBacebisi ngeZifundo nakwiiNtloko zamaziko alungiselela abaviwa kwiimviwo zeSatifikethi seMatriki sikaZwelonke

**Isihloko: Kucelwa izicelo zesithuba sokuba ligosa elingumakhi-mkhanya (monitor) kwiimviwo zeSatifikethi seMatriki sikaZwelonke (NSC) nezeSatifikethi seMatriki (SC) zango-2020/2021**

1. Ukuqinisekiswa komgangatho, ukuziphatha kakuhle, ulawulo nokusingathwa kweemviwo kubalulekile kuwo onke amanqanaba enkqubo yemfundo. Ukuqinisekisa ukuba iimviwo zithembekile, iSebe leMfundo leNtshona Koloni (iSebe iWCED) liya kuba lisomeleza ukubekwa esweni kweemviwo kwiphondo liphela.
2. Imimiselo nemigangatho eyeyona isezantsi ekubekweni esweni kwamaziko ekubhalelwa kuwo iimviwo ngethuba leemviwo icacisiwe kumgaqo-nkqubo i-*Regulations Pertaining to the Conduct, Administration and Management of the National Senior Certificate examination*, owawupapashwe kwiGazethi kaRhulumente No. 37651 yowe-16 Meyi 2014.
3. ISebe iWCED ngokwenjenje licela ootitshala ababeqeshiwe ngaphambili (abadla umhlalaphantsi) okanye amagosa anamava ngokubhalwa nolawulo olufanelekileyo lweemviwo enze isicelo sokuba ligosa elingumakhi-mkhanya (monitor), ukubeka esweni iimviwo ze-NSC neze-SC zango-2020/2021.

4. Abenzi-sicelo abalindelekileyo mabathobele ezi khrayitheriya zilandelayo:
  - 4.1 Ngokhe waqeshwa ngethuba elingaphambili njengomphathi wesekethe, ingcali yemfundo eyintloko, isekela lengcali yemfundo eyintloko, umcwangcisi wekharithulam omkhulu, umcebisi ngezifundo, ingcali yemfundo eneqhuzu, inqununu, isekela nqununu, intloko yecandelo lezifundo, igosa loviwo.
  - 4.2 Ngonamava eminyaka emithathu ubuncinane njengegosa elingumakhi-mkhanya okanye ekubhalweni, ekulawuleni nasekuphathweni kweemviwo ze-NSC/ze-SC.
  - 4.3 Ngongagqithanga kwiminyaka yobudala eyi-69. Kuya kufuneka isiqinisekiso sezonyango esisuka kugqirha ukungqina ubume bempilo yakhe.
5. Abenzi-sicelo mabasebenzise izithuthi zabo ukuya kwenza umsebenzi wokuba ligosa elingumakhi-mkhanya.
6. Ziya kutshekishwa iinkcukacha zawo onke amagosa angabakhi-mkhanya ukuqinisekisa ukufaneleka kwawo kulo msebenzi.
7. Akuyi kuqeshwa njengegosa elingumakhi-mkhanya ukuba:
  - wakha wagxotha kwinkonzo kulo naliphi na isebe likarhulumente waseMzantsi Afrika;
  - wathatha iphakheji yokuziyekela ngokuthanda emsebenzini (voluntary severance package); okanye
  - wathatha umhlalaphantsi ngenxa yokungaphili.
8. Kuya kufunwa ezi seti zala maxwebhu alandelayo :
  - ikopi eqinisekisiweyo yesazisi (identity document);
  - iinkcukacha zokubhankisha kunye
  - neenkcukacha zenombolo yerhafu.
9. Kuya kuqeshwa amagosa angabakhi-mkhanya ukusukela malunga ne-12 Oktobha 2020 ukuya nge-09 Disemba 2020 ukulungiselela iimviwo zeNSC. Amagosa angabakhi-mkhanya aya kuqwlaselelwa ukuqeshwa kwiimviwo zangoMeyi-Juni 2021. Amagosa angabakhi-mkhanya kuya kufuneka kwakhona ukuba abhale uvavanyo lwezakhono zomsebenzi (*competency test*) emva kweseshoni yoqeqesho.
10. Onke amagosa angabakhi-mkhanya aqeshiweyo kufuneka aye kuqeqesho lokuba ngamagosa angabakhi-mkhanya oluya kucwangciswa ngoSeptemba/Oktobha 2020, phambi kokuba iimviwo ziqale.

11. Intlawulo yamagosa angabakhi-mkhanya (*monitors*) isekelwe kumaxabiso amiselweyo (*rates*) acaciswe kwi-*Personnel Administrative Measures (PAM)*, njengoko apapashiweyo kwi*Gazethi kaRhulumente* No. 39684 yowe-12 Febuwari 2016.
12. Izicelo mazingeniswe ungalulanga umhla okanye phambi kwe-**18 Juni 2020**.
13. Izicelo zinokungeniswa kuphela ngekhompyutha okanye ngeselula okanye ngefoni eyimobhayili kusetyenziswa le linki ilandelayo: <https://bit.ly/2x6kUrT> okanye i-QR code. 
14. Sakuba senziwe isicelo, amaxwebhu aya kuthunyelwa nge-imeyili kubo bonke abenzi-sicelo. Amaxwebhu makazaliswe ngokukhawuleza, askenwe yaye athunyelwe nge-imeyili kulo: [Moya.Combrink@westerncape.gov.za](mailto:Moya.Combrink@westerncape.gov.za). Amaxwebhu ayintsusa asayiniweyo makathunyelwe ngeposi apha:  
  
*Attention: Mr Z Sonkwala*  
*Directorate: Assessment Management*  
*5<sup>th</sup> Floor*  
*Grand Central Building*  
*Lower Parliament Street*  
*Cape Town*  
*8001*
15. Kucelwa iinqununu, abalawuli bezithili, abaphathi beesekethe nabacebisi ngezifundo bazise okukule ngcaciso imfutshane bonke abenzi-sicelo abalindelekileyo. **ICandelo loLawulo loVavanyo alinakubekwa tyala ngokuba abenzi-sicelo abalindelekileyo bengaziswanga ngokuqulethwe apha.**
16. ISebe iWCED lithembele kwintsebenziswano nakwinkxaso yenu kulo mbandela ubaluleke kangaka.

**ISAYINWE:** NGU-PAD BEETS

**USEKELA MLAWULI-JIKELELE WEKHARITYHULAM NOLAWULO LOVAVANYO**

**UMHLA:** 2020-06-05